

իշխանութեամբ նստցիս անդ, և մեք սպասեմք պարսպոյ՝ զի հնարեսցուք դարձուցանել և զՊատրիարքութիւնն Երուսաղէմի՝ ՚ի վերայ քո: Հաւանեալ ընդ այս Ապրօի՝ եմուտ առ Եպարքոսն, և էառ նախ հրովարտակ հաստատութեան վասն Կաթողիկոսութեան Եղիազարու, խոստացեալ տալ յԱրքունիս ամ յամէ 15,000 փողս: Յաւել ապա Ապրօ խնդրել եւ զխնամակալութիւն Երուսաղէմի իբր թեթեւ ինչ, և ասէ՝ որովհետեւ յանձն արարիք ՚ի ձեռս նորա հովուել զՀայս՝ որք են ընդ ձեռամբ Օսմանցոց, կարեւոր է՝ զի ընդ ձեռն նորա հոգասցին և հասք Աթուոյն Երուսաղէմի, և մի վատնեսցին ձեռամբ անզոյշ անձանց. և Եպարքոսն կատարեաց զխնդիր նորա: Յայնժամ առեալ Եղիազարու զհրովարտակ Կաթողիկոսութեան, և զնամակ խնամակալութեան Երուսաղէմի, ել յԱդրիանուպօլսոյ եւ չոգաւ ՚ի Թէքրիտաղ եւ անտի ՚ի Պրուսա: Սակայն Հայք այսու եւս ոչ շատացեալ՝ մատուցին զիր աղաչանաց առ Եպարքոսն ՚ի բանակի անդ և ասեն՝ Եղիազար Կաթողիկոսն եղև իշխան Կայսերական հրովարտակաւ, ըստ օրինաց մերոց բաժանել զՄիւսոնն եւ հաճութեամբ աղգին կացուցաւ նա խնամակալ ամենայն կալուածոց և ստացուածոց վանօրէից Երուսաղէմի, զորս կտակեալ էմք ըստ օրինաց մերոց. զի մի՛ առաջին Պատրիարքունք և արք նորա, և վարդապետք ոմանք, որք դնան անդ Արքունի հրամանաւ, լինիլ ձեռնամուխ եւ հակառակիլ տարապարտուց. և զի մի կորիցեն և անկցին ՚ի ձեռս այլոց, զի վասն այսր տուեալ է հրովարտակ ՚ի Կայսերական ատենէ, եւ արձանագրեալ ՚ի դատարանն Երուսաղէմի: Ապա խնդրեցին հրովարտակ ըստ առաջնոյն, լինել Եղիազարու խնամակալ վանօրէից և կալուածոց Երուսաղէմի, որպէս և էրն. եւ հրովարտակն այն շնորհեսցի Արքունի գանձատանէ (մալիյէ), զի մի առաջին Պատրիարքունք նամակաւ իւրեանց պահանջեսցեն զիրս ինչ ՚ի ստացուածոց կամ ՚ի կալուածոց անտի: Գրեցաւ հրովարտակ առ կուսակալն Գամասիկոսի եւ առ դատաւորն Երուսաղէմի, զի՛ ՚ի հասանիլ անդր Եղիազարու առնել այնպէս. ՚ի ՎՕ Սէֆէր ամսոյ, 1077 (1666):

Իսկ Եղիազար դարձ արարեալ ՚ի Պրուսայէ, և եկն ՚ի